



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 17. Gesta post depopulationem narrantur.

urn:nbn:de:hbz:466:1-38528

Mamalucorum incidentes, nequicquam eos reposcente Vansurkio, vinculis onerati, in servitutem abacti sunt. Paulò post Antonius Vicudus, dux alterius Mamalucorum cohortis, Antonianæ depopulationis invidentiâ motus, nullâ relacestitus, Sancti Michaëlis coloniam ingreditur; quam ut inanem vidit, frenduit, & vicinitatem circum omnem per quatuor in circuitum leucas explorans, quotquot in ea regione remansisse comperit, captivos fecit. Destructis his duobus oppidis, Caavensium, numerosissimæ gentis Socios JESV desiderantis, conversioni opera dati non potuit.

CAPUT

XVI.
JESU - Ma-
rianæ colo-
nie deva-
statio.

JESU - Ma-
rianæ colo-
nie deva-
statio.

Curuba occi-
diuntur.

Maçeta peri-
culum.

Neophytus
maçetatur.

CAPUT
XVII.
Gesta post
depopula-
tionē nar-
rantur.

Aliquet ca-
piti redi-
muntur.

IN TERE A temporis innumeræ trepidantium turmæ ad Jesu-Marianam coloniam confluabant, sanctissimorum nominum oppido, & Simonis Maçeta virtute, quasi asylo, libertatem suam tutature. Frustra tamen; nam nec sacra nomina, nec optimi viri virtus in veneratione perfidis fuere. Emmanuël Moratus, turmæ Mamalucorum præfetus, cognitâ Jesu-Marianorum multitudine, sumptis ex alius latronum cohortibus auxiliariibus copiis, & duobus Tupicorum subsidiariorum milibus, mense Martio jam adulto armatum se Jesu-Marianis ostendit. Primores gentis exploraturi, num palam hostili animo tot cohortes venirent, extra oppidum paululum progressi, catenis statim onerati sunt. Simon Maçeta ubi rem hostiliter agi videt, ad reprimendum quoquo modo posset Sacrorum reverentiâ furem, Cruce manu prætensâ, initiatâ ueste induitus latrones adit; quem contemptui habentes, Indorum deceptorem, vix alutâ & centone teclum, fatuumque appellavere. Circumdabant Patrem optimum nuper in Christo renati filii, & amorem quâ lacrymis, quâ verbis exprimebant: quos inter Curuba, Casiquius potens, filiali confidentiâ apud eum de violentia sibi illata conquestus, ab insigni prædone scelopeti glande transfoditur. Infremuit Simon Maçeta, & homicidam severis verbis pupugit, qui innocentis sanguinis libamento ferox, exerto acinace, Sacerdoti necem intentat. Maçeta verò pulchritæ mortis avidus peccatum illicè denudat, & inclinat caput, seu punctum transfodere, seu cæsim obtruñcare vellet, paratus. Neutrum autem est sacrilegus, minoremque suam ferocitatem Patris magnanimite fassus, ferrum recondit: quamquam in aliis schedis reperio ab prædone acinacis iustum vibratum fuisse, & ope Divinâ in vanum abiisse. Quam rem in medio relinquo. Voluntabatur interim in suo sanguine Curuba, Christianorum Sacrorum adhuc candidatus, qui antequam exspiraret primo militiæ Sacramento initiatus, vix tyro in Cœli capitoliū triumphum duxit. Prædonum interim furore omnia miscebantur. Guiravera cum ceteris oppidi primoribus catenatus; ignobiles manibus post terga revinctis, ceu pecora, abacti, lacraque profanata sunt. Neophytus necem fugiens in ipso amplexu Simonis Maçeta ingenti ipsius discriminè bombardâ ab prædone transfoditur; qui cum audisset inferni pœnas ob tantum scelus sibi intentari, respondit, ob mala opera Fide Christi munitum ab ipso Deo cœlesti gloriâ privari non posse: quod quam falsum sit, plumbeis glandibus alia occasione ante pœnitentiam interfecitus, abunde nunc cognoscit. Ejus cadaver post mortem in lepulchro non repertum, ansam dedit existimandi ab daemonibus cum anima sublatum fuisse.

COGNITO Maçeta periculo, ad eum liberandum ex Archangelorum colonia Petrus Spinosa cum aliquot Indorum centuriis noctu accurrens, scopulo allisus sibi pænè cervices fregit: quo casu tribus horis examinatus ægetrimè deinde convaluit. Trecenti Neophyti ex Sancti Thomæ oppido, Francisco Diastanio comitante, suppetias etiam laturi eò seriùs pervenere: nam prædam abegerant latrones, plus æquo in re pessima solliciti. Nec aliud properatorum auxiliorum lucrum fuit, quam aliquot captivos ex ultimis turmis è vinculis fugientes excepsisse. Diastanus Simonis Maçeta orbitati (nam ex tot capitibus duo tantum adolescentes supererant) diu illachrymatus, horruit ad conspectum destructi oppidi, trucidatorum cadaveribus strati: inter quæ passim occurrabant corpora puellarum, ideo occisarum, quod suo pudori consulere voluissent. Humatis de-

center

center corporibus, execrati latronum inhumanitatem, ad Sancti Thomæ ambo redeunt: nam Diastanus coram Simone Maçeta solemniter quatuor vota proficeri ipso Incarnationis Dominicæ die iussus fuerat. Ciborum verò in tanta celebritate varietas hec fuit. Farinæ lignæ dimensum unum, pisciculi tres & aquæ limpidissimæ, lachrymarumque quantum satis; apud prudentes rerum estimatores Sociorum parsimoniae magnum argumentum: nam si tales geniales epulæ, quales demum quotidianarum mensarum fuere deliciae, facilis conjectatio est. Hos pisces Diastanus in ducentarum leucarum viaticum pro Maçeta se posuit: consilium enim ei dederat latrones eò usque sequendi, quò assequeretur, prædam exoraturus, aut jure in Brasilia favore Magistratum extorsurus.

Francisci
Diastanus
professio.

CAPITVL VIZ confilio Simon Maçeta, destructorum oppidorum pro absente Ruisio præfetus, & Justus Vansurkius, suis ovibus spoliati, deliberatâ priùs pro Indorum jure tuendo morte fortis, per immensam solitudinem latrones insequuntur, & paulò post assequuntur. Mamaluci, in turmas ut ante divisi, ingentem captiolorum turbam præse agebant; ne cui daretur effugii locus, ferreis torquibus oblongâ catenâ continuatis Casiquios inservuerant, reliquos vincitâ passim manibus incedere cogebant. Maçeta primo occursu ut catenatos vidi Indos, ab se in Christo genitos, affectu paterno & Numine instigante. *Quid, inquit, agis, ô anime? injice pedem tuam in compedes illorum, & in torques illorum collum tuum, & ne accideris vinculis eorum.* Quo dicto per tenentes Mamaluicos præcepit & obluctans filios revinctos amplectitur, ipsaque catenâ se implicans, Sacerdos supplex fit prædonibus: *Aut me, ait, simul rapite, aut filios, quos in Christo genui, solvite; non sunt inique preces Patris libertatem innocentium filiorum postulantis, quos ut à demonis servitute eximerem, in filios me semper habiturum propoundi. Nihil in eis noxa est, nisi noxamputatio benè monenti credidisse.* Risit prædo bonum Patrem, & phanaticum, qui talia & diceret & faceret, asseruit. Non destitit tamen Maçeta eò usque supplex, quò, uno è latronibus emollito, aliquot filios in Christo carissimos redemerit. Hoc successu latus ad aliam latronum cohortem se confert idem tentaturus: inter quos, ut filios carissimos vinculis onustos, viribusque defectissimos vidi, commota sunt ipsius visera, & blandè alloquutus, magnos catenarum nexus collo rursum sibi injicit, seque in his moriturum affirmat, priusquam à catis pignoribus separari se permittat. *Quocumque vos casus traxerit, inquietus habebitis: nec famem, dum vos esurietis, nec frim, dum vos frictis, nec mortem, dum vos moriemini, formidabo: catena & servitus inter catenatos filios mibi dulcescent.* Sed præsternit vincula Guiraverae amplectatus: *Volo, clamabat, corone mee fabricatori beneficium esse, volo nunc implere novum præceptum Domini, jubentis inimicos diligere.* Prædones nihil tum tantâ virtute mitiores effecti illum exagitare, ab carorum amplexibus avellere, exertis pugionibus mortem iis minitari, qui plūs à Patre amari videbantur; sed Maçeta, inter cara pignora & pugiones medius, imminentes ridebat mucrones, & suorum miseriā deflebat, donec crudelitas tantâ pietate vieta, octo captivos in constantiæ spolium ei concederet: quos inter Guiravera & ejus uxor heroicæ virtutis præmium fuere: tantum potest aliquando etiam apud ferociissimos homines pietas, si constantiâ non destituatur. Sepiùs postea hac arte alios in libertatem asserere tentavit, irtito tamen deinceps conatus; nam quamvis nondum benè firmata crudelitas Vinci subinde se finat, ubi tamen induruit, nec flecti vult, & se Vinci passam pudet. Ne igitur commiserationis latrones pœniteret, Indos è vinculis eruptos cum atæ portatilis bajulis in Guiraniam Socii remisere. Solis deinde tribus comitibus, sylvestribus baccis vicitantes, latrones per inmensa terrarum spatia sequebantur, præsenti non semel evitato vita discrimine. Pedentem ibant Mamaluci, ne acceleratione captivi in via omnes deficerent: siebat tamen saepè, ut morbo fameque defecti, aut ipsa senectute pueritiae imbecilles, omnino fatiscerent; quos Maçeta & Vansurkius Sacramento initiali aut Exhomologesi expiatos, cum morte mox luxuriantos, ornati humanâ ope destitutos, in media solitudine feris expositos, quò aliis idem beneficium præstare possent, post se deserebant.

CAPUT
XVII.
Simon Maçeta & Ju-
stus Van-
surkius la-
trones usq;
ad Brasiliam
assequun-
tur.

Maçeta pie-
tas.

Caritas.

Periculum.

Itineris ra-
tio.

Vidisse